

國
朝
大
事
記

遼左肇基紀畧第三

任邱金象豫介公輯錄

崇德元年二月。足諸臣冠飾。各賜金頂以示別。因賜超品公額駙揚古利宗室篇古嵌東珠金頂。滿洲蒙古漢軍固山額真承政等。以寶石金頂。三月。改文館爲內三院。一內國史院。一內秘書院。一內弘文院。諭諸臣曰。喇嘛等以供佛持戒爲名。潛肆奸貪。真妄人耳。蒙古諸人深信其懺悔超生等語。致有懸轉輪結布旛之事。嗣後俱宜禁止。四月。羣臣上

尊號曰寬仁皇帝。改天聰十年爲崇德元年。定有天下之

號曰清。

追尊始祖澤王。高祖慶王。曾祖昌王。祖福

王。上

皇考尊諡曰承天廣運聖德神功肇紀立極仁孝武皇帝。

廟號太祖。陵曰福陵。

皇妣尊諡曰孝慈昭憲純德貞順成天育聖武皇后。封

諸貝勒爲親王。郡王有差。五月命武英郡王等率

師征明。七月武英郡王等會師出延慶州。俘人畜

一萬五千有奇。九月武英郡王阿濟格等奏我兵

入長城過保定至安州克十二城五十六戰皆捷生

擒總兵巢丕昌等獲人畜十八萬。十二月親征朝

鮮。前鋒至王京。李保遁南漢山城。我軍圍之。乙亥。上率大軍由城外徑渡漢江。抵南漢城西。朝鮮兵屢來援。皆敗之。

崇德二年正月。以書諭朝鮮國王。是日。李保上書稱臣謝罪。取江華島。獲朝鮮王妃。二閣臣侍郎各一人。並財物及羣臣家口。二月。壬申。班師。李保出王京城跪送。

諭曰。爾人民家口。已盡付還矣。命送還王京。四月。武英郡王阿濟格攻克皮島。斬守將沈世奎。命固山貝子尼堪羅託博洛等。與議國政。每旗各設議政大臣。_二

三員。六月甲寅。

上夜夢至興京謁

太祖。

太祖騎而馳。禮親王代善挽之不及。既而恍入明宮中。見

一人以絲絲綾飾珊瑚授之。以爲明萬曆帝欲無受。諦視乃金代神像。出一編授曰。此金國史也。乃受之。及覺。召內院儒臣告之。對曰。昔上夢入朝鮮宮。果得朝鮮。今夢入明宮。授以前史。蓋天之歷數在。

皇上矣。

先是遣章京尼堪等征瓦爾喀。至是皆降之。十一月。命葉克書星納等征卦爾察。是年分漢軍。

爲左右翼旗色皆用元青石廷柱爲左翼都統馬光
遠爲右翼都統四年分漢軍爲鑲黃鑲白鑲紅鑲藍
四旗七年分八旗八旗次序鑲黃正黃正白正紅正藍
王公八旗方位鑲黃正白鑲白正藍鑲紅鑲黃正紅鑲藍爲右翼
爲左翼正黃正紅鑲紅鑲藍爲右翼

崇德三年五月親征喀爾喀旋師七月更定六部
理藩院都察院八衙門官制每衙門設滿洲承政一
員以下設左右叅政理事副理事主事等官共五等
諭禮部有效他國衣冠束髮裹足者重治其罪八月誅
啟心郎孫應時先是禮部承政甲喇章京祝世昌條
奏俘獲敵人妻女不可令其爲娼妓一疏奉

旨切責。至是會訊。以世昌身在本朝。其心在明國。護庇漢人。與奸細無異。應論死。命免之。以應時代。爲改正。依議正法。賜中式舉人羅碩等十名。各朝衣一領。授半個牛錄章京品級。各免人丁四名。一等二等三等生員各賜紬布。授護軍校品級。免一丁二丁有差。九月。以睿親王多爾袞爲奉命大將軍。貝勒豪格阿巴泰副之。統左翼。貝勒岳託爲揚武大將軍。貝勒杜度副之。統右翼。兩路征明。岳託等從密雲東北牆子嶺口毀牆分四路入。遇明總督吳阿衡兵六千。敗之。又連敗其副將。守備援兵。我軍所入之關。漢名牆。

子嶺。蒙古名達吉布拉。牆子嶺西一關。漢名黑峪關。
蒙古名黑呼龍。又一關。漢名曹家寨。蒙古名海龍。又
一關。漢名古北口。蒙古名莫爾托石。牆子嶺東一關。
漢名將軍石。蒙古名烏什根。又一關。漢名黃崖口。蒙
古名古章。又一關。漢名馬蘭峪。蒙古名馬賴。多爾
袞等自董家口東青山關西由邊牆缺處毀牆入。
上以明人聞我二路進兵。則山海關以東。寧遠錦州兵必
往西援。欲牽制其援兵。十月。命鄭親王濟爾哈朗。貝
子碩託。各率本旗護軍。及喀喇沁兵。從前屯衛寧遠
中間進發。豫親王多鐸。貝子博洛。亦率護軍及土默

特兵從寧遠錦州中間進發。

上親率大軍從義州一路進發。是月多鐸等聞桑噶爾

賽舊居之堡無備攻克之。戮其守備及男子。獲婦女

幼丁及牲畜。十一月多鐸兵過中後所。會明總兵

祖大壽率兵往援燕京。路遇遂來襲。我兵陣歿者九

人。失馬三十四。大軍進發山海關。

上親統大軍至中後所。大壽見我軍至。退入城內。

上賜之勅。不報。鄭親王濟爾哈朗克模龍關。又攻克五

里堡墩臺。獲人畜。又縱掠。獲人口二百餘。牛馬等共

數百。庚午。大軍自中後所班師。

崇德四年正月封新附總兵沈志祥爲續順公。二
月乙未遣漢軍固山額真昂邦章京石廷柱馬光遠
率兩旗兵運紅衣礮西征明國。丁酉遣武英郡王
阿濟格率將士征明。壬寅。

上親統大軍征明。壬子攻松山城弗克。命阿濟格等
率四旗護軍守塔山連砦。三月戊午朔明太監高
起潛總兵祖大壽自寧遠遣兵九百船十隻由水路
援杏山。我兵擊之獲船一艘殺五十人。丙寅征明左
翼多爾袞等奏報曰臣等毀明邊關而入兩翼兵約
會于通州河西由北邊過燕京自涿州分兵八道一

沿山下。一沿運河。於山河中間。縱兵前進。燕京迤西
千里內六府俱已蹂躪。至山西界而還。復至臨清州。
渡運糧河。攻破山東濟南河府。至京南天津衛。克城
三十四。降城六。敗敵陣十七。俘人口二十五萬七千
八百八十。將士無一傷者。右翼社稷奏曰。臣等從明
燕京西至山西界。南至山東濟南府。蹂躪其地。克城
十九。降城二。敗敵陣十六。殺其總督二人。及守備以
下官百餘員。生擒親王郡王奉國將軍各一。俘人口
三十萬四千四百三十三。金四千三十九兩。銀九十
七萬七千四百六兩。兩翼俱從遷安縣回。徑太平寨。

出青山關。四月凱旋。我阿爾薩蘭於錦州烏欣敗

明援兵。擒副將楊震。

上親率四旗護軍。馳往錦州。縱兵攻其山寨。敗之。沿山搜

勦兩夜。斬副將徐永昌。擒副將祖克勇。遣騎兵往

助阿濟格守塔山。

車駕自松山還錦州。西北駐營。阿濟格畧連山。獲人馬

千計。五月命鄭親王濟爾哈朗等畧錦州杏山等

處。辛酉。

上班師。濟爾哈朗奏。自入明邊。敗敵九次。俘獲二千三

百二十。九月遣武英郡王阿濟格貝勒阿巴泰杜

度等率兵畧錦州寧遠。十月遣肅親王豪格貝勒多鐸等畧錦州寧遠。十一月豪格報寧遠兵出北山岡擊敗之。斬總兵金國鳳及其二子。遣索海薩穆什喀等征索倫部。

崇德五年正月遣翁岱多濟里等率將士防戍錦州。二月遣碩翁科巴圖魯勞薩率將士往廣寧捉生。三月命鄭親王濟爾哈朗貝勒多鐸率兵守義州城。駐劄屯令山海關外。寧錦地方不得耕種。往征索倫虎爾哈部。索海薩穆什喀奏報共獲男子三千一百五十四。婦女二千七百一十三。幼小一千八

十九他物稱是。五月濟爾哈朗等至杏山迎降人
蒙古蘇班代。明總兵祖大壽吳三桂劉智周遊擊戴
明共兵七千來逼我軍縱擊大敗之擒副將楊倫周
延州叅將李得位。壬寅

上率八旗護軍騎兵向錦州進發。乙巳至錦州。攻降城北
晾馬山臺。盡刈錦州城東禾稼。六月命睿親王多
爾袞肅親王豪格貝勒杜度阿巴泰等往代濟爾哈
朗等於義州築城屯田。七月諭多爾袞等將兩翼
兵暫行分駐。一斷敵往來之路。一投誠人可乘便而
來。一我兵易於收穫。弗爲敵乘閒竊刈。其已收糧草

擬堅固處所存貯。多爾袞奏七月初八日夜明錦
州兵五百來襲我。鑲藍旗貝子羅托公吞齊等擊敗
之。遣前鋒統領吳拜率前鋒兵一半往助睿親王軍。
並傳諭睿親王肅親王。前次擊敵殊爲失策。敵來但
固守營壘。俟相近乃可擊。前此迎戰非計也。丙午
遣席特庫濟席哈等率兵並徵外藩兵東征索倫部
落。睿親王等奏錦州兵馬一千出城。我軍擊敗之。
獲馬百餘。又伏兵寧遠路獲明關內所運米千石及
騾馬等。殺押車卒三百九十。八月命叅領希福等
往張家口交易。九月命鄭親王濟爾哈朗武英郡王

河濟格郡王阿達禮貝勒多鐸羅洛宏等率將士一
半往代睿親王等圍錦州松山。初九日睿親王等
悉衆出誘敵於杏山城山嶺間。松山騎兵出馳擊敗
之。及還敵復來襲。又擊敗之。掩殺至松山城下。及還
松山兵又出亦敗之。多鐸率兵夜往錦州西桑噶
爾賽堡設伏。敗明伏兵。追至塔山。又聞敵夜於杏山
間運糧。遣兵往畧擒斬百人。獲牛騾百。十一月命
睿親王多爾袞肅親王豪格貝勒杜度阿巴泰將士
之半往代鄭親王等圍困錦州。十二月出征索倫
部。庫特庫等奏報於齊洛台地。乃擒獲博穆博果爾
十

及其妻子家屬男婦幼稚九百五十六馬牛八百四十八。

崇德六年二月申諭各牛錄先是命戶部察滿洲蒙古十六旗下牛錄各以人口牲畜注冊分別貧富至是部覆將貧窮牛錄之該管章京等解任。

上諭曰牛錄下貧乏皆因章京及撥什庫等耽嗜飲酒荒惰職業之故又諭王貝勒大臣曰爾等何不親率人習射耶子弟壯者當令以角弓羽箭幼者以木弓柳箭我國武功首重習射不習射之罪非用烟可比用烟之禁前因爾等私用所以不能治人至於射藝切

不可荒廢。嗣後嚴加督率。多爾袞奏報。臣等圍困
廣寧山城時。擊敗錦州松山援兵四百餘。斬二百餘
人。固山額真阿山襲取山城之小者。俘男婦六十餘。
索海雍舜及安平貝勒屬下兵。共擊斬錦州兵一百
七十餘人。三月。蒙古巴圖等率男婦九百餘。毀大
同陽和邊牆。叛明來降。多爾袞曾私甲兵還家。又
移軍過國王牌。離錦州三十里駐營。

上聞大怒曰。原令由遠漸近。圍逼錦州。所以困之。今離城
遠駐。敵必多運糧草入城。何時能得錦州耶。因降勅
切責。至是命鄭親王濟爾哈朗率兵往代。多爾袞等

還至遼河。命出征諸王貝勒貝子公固山額真梅勒章京護軍統領及議政大臣等官俱駐於舍利塔旁。不許入城。遣大臣訊狀。凡倡言遣人還家者。即指明舉出。爾等應得何罪。自行定議具奏。睿親王肅親王等皆引罪。

上益怒。降睿肅二王爲郡王。罰銀阿巴泰以下各罰銀有差。始許入城。命朝鮮總兵柳琳等率兵往助鄭親王軍。鄭親王濟爾哈朗武英郡王阿濟格郡王阿達禮貝勒多鐸等圍困錦州。四面立八營。繞營浚深濠。沿濠築垛口兩旗之閒。復浚長濠。近城設邏卒哨。

探城中蒙古呼曰爾等圍困何益城中積粟可支二
三年。縱圍之豈可得耶。邏卒應之曰無論二三年。縱
有四年糧。至五年後復何所食。于是城中蒙古貝勒
諾木齊吳巴什。渾錦等。知我志在必得。謀來降。遣人
持書縋城。約二十七日夜進兵。二十四日。祖大壽聞。
欲擒之。吳巴什等率關內蒙古兵與戰。我軍聞之。至
城下策應。蒙古縋繩。我軍援繩。齊上。明兵敗入城內。
我軍據其外城。降蒙古官屬八十六員。男婦二千二
百餘名。口捷音至。

上大悅。命入門擊鼓。召衆於篤恭殿宣捷。四月。明援兵

自杏山至松山。濟爾哈朗阿達禮羅洛宏等伏兵於錦州南山西岡。阿濟格多鐸等伏兵於松山北嶺。前鋒兵誘敵伏發。大敗之。斬百七十級。獲馬百十六匹。甲七十六副。六月。命多爾袞豪格率將士之半往代鄭親王等圍錦州。從內三院大學士范文程等奏於滿漢蒙古內考取生員舉人。明關內援兵由松山城沿海前進。我左翼兵追及。敗之於松山城濠。獲馬五十餘匹。庚午。睿郡王等奏。明關內援兵由松山來。我兵追擊五里。獲馬五百七十匹。七月。漢軍固山額真石廷柱言。我軍圍困錦州。度明必與我

併力一戰。此時現在困城者不必更換。仍將更換之
兵挑選精壯秣馬以待。一旦有警。我軍縱橫馳擊。犬
劍一番。敵寒心喪膽。錦州從此失恃。不能固守。知錦
州破。則關外八城震動。安知非當年瀋陽得而遼陽
隨破。沙嶺捷而廣寧隨順之一大機會哉。八月

上聞洪承疇等率兵十三萬來援錦州。即傳檄各部軍馬
星集京師。於十五日起行。命鄭親王留守。戊午渡遼
河。壬戌至松山。陳師於松山杏山之間。自烏欣河南
山至海橫截大路駐營。謂諸臣曰。但恐敵聞朕親至。
將潛逃耳。如不逃。朕必令爾等破此敵。如縱犬逐獸。

易如拾芥。不知勞苦也。是時明兵於松山城北乳峯山岡結營。合騎步兵號十三萬。其領兵總督洪承疇巡撫邱民仰。兵道張斗姚恭王之楨。兵部郎中張若麒。總兵王樸。李輔明。唐通。白廣恩。曹變蛟。馬科。王廷臣。吳三桂及副叅遊守二百餘員。見

上親率大軍大懼。合謀退遁。癸亥。明總兵八員率兵犯我前鋒。我軍擊敗之。追至塔山。獲其筆架山積粟十二堆。是日浚濠斷松山杏山路。是夜明諸將欲遁。撤其七營步兵迎松山城而營。甲子。敵犯鑲紅旗汛地。擊却之。

上諭諸將曰今夜敵必遁命兩翼八旗護軍及騎兵蒙古
兵前鋒兵比翼排列直抵海邊敵遁百兵則以百人
追之千兵則以千人追之敵眾則躡後追擊直抵塔
山是夜初更明總主樸唐通吳三桂馬科白廣恩李
輔明等率馬步兵沿海潛逃我軍相繼追擊

上又命蒙古固山額真庫魯克達爾漢阿賴等各率所部
伏杏山路遮擊敵之道入杏山者又命睿郡王等率
四旗護軍往錦州大路至塔山大路橫擊之又命將
往筆架山防護糧糗又命鎮國將軍巴布海等各率
所部往塔山截其路有奔至悉戮之又命武英郡王

率兵亦截塔山路。倘敵欲越塔山。當率巴布海等自寧遠直抵連山追擊之。又命固子貝子博洛率兵往桑噶爾賽堡截擊。又聞明郎中張若騏從小凌河乘舟遁。命梅勒章京賴護守率兵追之。又命固山額真譚泰率兵往小凌河西絕其歸路。又命梅勒章京多濟里追擊敗兵。又命固山額真伊拜等於杏山四面截擊敵之奔入西山者。又命固山額真恩格圖等追擊逃兵。悉如睿算。明兵竄走彌山徧野。自杏山迤南沿海至塔山一路赴海死者不計其數。乙丑命固山額真劉之源攜紅衣礮同睿郡王武英郡王攻克

四臺擒其副將王希賢。參將崔定國。都司楊重鎮等。
總兵吳三桂。王樸奔入杏山。是日。

上移營松山。其夜曹變蛟率乳峯山馬步兵。棄寨遁。欲乘
夜衝圍去。其兵一半突入御營。時大臣侍衛俱未至。
軍中大驚。侍衛坤獨守營門拒戰。變蛟中創奔還松
山。丁卯。命宗室錫翰。國戚多爾濟等率兵伏於高
橋大路及桑噶爾審堡。以杏山逃兵必由此路。果有
千人自杏山出。伏兵敗之。追至塔山。斬獲甚多。是晚
命貝勒羅洛宏。貝子博洛。內大臣圖爾格等率精兵
隨多鐸設伏杏山西臺。己巳。吳三桂。王樸從杏山

出奔寧遠。我兵從大路追擊。三桂等奔至高橋。多鐸等伏兵縱擊。三桂王樸僅以身免。多鐸等各還營。壬申。命內大臣超品公塔瞻伊爾登率每旗精兵五十名。設伏高橋方出營。遇明兵千人。追斬之。至高橋。如遇明兵六百八十。盡殲之。是役也。破明兵十三萬。如摧朽拉枯。計斬級五萬三千七百八十三。獲馬七千四百四十四。駝六十六。甲冑九千三百四十六。副明兵自杏山南至塔山。赴海死者甚衆。所棄馬匹甲冑以數萬計。海中浮屍多如雁鷺。其被我圍於松山者。總督洪承疇巡撫邱民仰兵道張斗姚恭王之植通。

判袁國棟朱廷榭同知張爲民嚴繼賢總兵王廷臣
曹變蛟祖大樂等士卒不過萬餘城內糧且絕勢益
窮○我軍復掘濠困之○總兵吳三桂王樸白廣恩馬
科李輔明唐通郎中張若麒俱竄去○前鋒參領努
山等自明董家口喜峯口偵探回奏擊敗明步哨五
十一營斬百四十五人○騎哨十一人擒守備一○九
月乙酉命貝勒杜度阿巴泰固山額真譚泰向山葉
克書準塔巴圖魯何洛會馬喇希巴特馬等圍守錦
州○貝勒多鐸郡王阿達禮貝勒羅洛宏固山額真宗
室拜伊圖公艾度禮額駙英俄爾岱庫魯克達爾漢

阿賴恩格圖伊拜等圍守錦州松山。武英郡王阿濟格外藩科爾沁國卓禮克圖親王吳克喜巴圖魯郡王滿朱習禮等圍守杏山高橋。乙未遣學士額爾黑往諭鄭親王濟爾哈朗武英郡王阿濟格阿達禮貝勒多鐸等曰：錦州松山所掘濠塹可周圍巡視，其城外薪草即令我兵割取。丙申，一鼓松山城內外馬步全出，犯我鑲黃旗汛地，我兵擊敗之。斬_首有七級，獲其兵器。十月，丙辰，命鎮國將軍阿拜率兵往錦州南乳峯山駐防。十一月，甲寅，濟爾哈朗奏：洪承疇以兵千人夜犯我營，我軍擊敗之。斬四百餘人。

敵退入松山城門閉不得入。兩日之內收服二千餘人。其從杏山竄遁者爲我伏兵所殺。凡五百七十四人。丙寅命祖澤洪赴錦州。索取妻子。說其父大壽。澤洪至錦州。未得交語而還。

崇德七年二月。阿濟格遣兵畧寧遠。獲牲畜。明總兵吳三桂等遣兵躡我後。擊敗之。明松山副將夏承德以其子夏舒爲質。約內應。二月十八日夜。豎梯於城南。我軍齊登。生擒明總督洪承疇。巡撫邱民仰。總兵王廷臣。曹變蛟。祖大樂。遊擊祖大名。祖大成。總兵白廣恩之子良弼等。其兵道一員。副將十員。遊擊都

紅旗
成常是

司守備紅旗千把總等官百餘員兵三千六十三名
盡殲之。三月癸酉圍杏山。郡王阿濟格奏報明國
訂於三月初四日遣人講和。迄今未至。寧遠總兵吳
三桂等遣將率兵駐於塔山。我軍禦之不戰而退。
諭豪格等將洪承疇祖大樂解至盛京。邱氏仰王廷
臣曹變蛟着處死。祖大成祖大名縱還錦州。己卯
錦州援絕糧盡。祖大壽率眾出降。命大壽部下悉與
留養。其他盡誅之。凡蒙古俱察出處斬。杏山塔山兩
處可令大壽說之降。并令遣人往寧遠。己酉明遣
總兵錦衣衛等官齎來勅諭一道。係諭兵部尚書陳

新賜其畧云。據卿奏遼陽有休兵息民之意。力保其出於真心。我國家不難聽從。以仰體上天好生之仁。以復還我祖宗恩義聯絡之舊。特諭卿便宜行事。云云。

上以既與我國書。何云諭兵部尚書。既諭陳新何用皇帝之寶。况所用非真寶。且札內有藐視我國語。實無講和真心。着王貝勒等以實意傳示於彼。乙未毀松山城。四月丁未。以勅諭明寧遠總兵吳三桂。白廣恩等。又令張存仁。祖可法。裴國珍。吳三鳳。胡宏先等。各遺三桂書一函。鄭親王。睿郡王。肅郡王等。以紅

衣礮攻克塔山城。城中官屬兵丁共七千。盡殲之。諭令料理既畢。平其城垣。大軍進駐高橋。鄭親王等以紅衣礮攻杏山。杏山降。獲男子二千五百七十六。婦稚四千二百六十二。命毀杏山城。鄭親王等率護軍還京。五月。明遣兵部員外郎馬紹愉主事朱濟之副將周維壙。魯宗孔等來求和好。

上命迎於二十里外。設宴宴之。令來使行一跪三叩頭禮。來使攜有勅書一道。云。勅諭兵部尚書陳新甲。昨據卿部奏稱。前日所諭休兵息民事情。今未有確報。因未遣兵至瀋。未得的音。今准該部便宜行事。差官前

往確探實音具奏特諭。六月遣明使馬紹愉等還
復書畧曰大清國皇帝致書於明國皇帝向來構兵
蓋因爾國無故害我二祖及爾國反肆憑陵奪我土
地我

皇考太祖皇帝於是昭告天地親征爾國其後每欲致書
修好而爾國不從事漸滋蔓遂至於今今予嗣位以
來蒙天眷佑自東北海濱迤西北海濱其間使大使
鹿之邦產黑貂黑狐之國不事耕種漁獵爲生之俗
厄魯特部以至幹難河源在在臣服蒙古及朝鮮悉
入版圖乃昭告天地受號稱尊國號大清改元崇德
及

我軍每入爾境。輒克城陷陣。然予仍願和好。特爲億兆生靈計耳。若兩國誠心和好。自茲以後。宿冤盡釋。尊卑之分。何必計哉。古云。情通則明。情蔽則暗。若爾國使來。予令面見。予國使往。爾亦令面見。則情不壅塞。而和好可久。至吉山大事。當遣使交相慶弔。每歲貴國饋黃金萬兩。白金百萬兩。我國饋人參千斤。貂皮千張。以寧遠雙樹堡中間土嶺爲貴國界。以塔山爲我國界。連山適中之地。兩國於此互市。倘願成和好。速遣使齎和書及誓書來。予亦齎書以往。否則再勿遣使致書也。七月。命輔國公博和託等率將

初代貝勒阿巴泰等守錦州。九月固山額真墨爾根侍衛李國翰言。明國人心搖動。惟當直取燕京。則大業克成。

上諭曰。取燕京如伐大樹。須先從兩旁砍。則大樹自仆。今不取關外四城。豈能即取山海關。今明精兵已盡。我四圍縱畧。彼日衰。我日強。從此燕京可得矣。遣固山貝子羅託博洛尼堪等率將士往代。博和託等戍守錦州。命沙爾虎達赫業朱馬喇率將士征虎爾哈。

十月。朝鮮王李保奏。閩臣崔鳴吉使林慶業等潛通明國。遣多羅額駙英俄爾岱等往鳳凰城。

鞠訊鳴吉慶業等與平壤觀察使林尚和會於平壤箕子廟中作書遣送明國是實朝鮮王饋送銀朱人參及高調文等八人往來明境賣參俱實奉

旨八人即正法鳴吉繫獄尚和革職慶業在逃繫其家屬辛亥命阿巴泰為奉命大將軍與內大臣圖爾格

統將士征明

上諭曰爾等一入明境遇老弱毋妄殺毋離人妻子毋焚燬財物昔兵臨山東有索財物而嚴行拷逼者非仁義之師也切當以為戒己未命多鐸阿達禮率兵赴寧遠邊外立營以牽制寧遠援兵且兼捉生又以

勅及祖大壽書諭寧遠總兵吳三桂。十一月多鐸等奏報明總兵吳三桂率馬步兵出戰，軍擊敗其騎卒。隨征明左翼前鋒叅領羅碩侍衛胡沙右翼席特庫胡禮布俱還。奏言左翼兵前進地平路濶，兩旗兵並至殺沿路哨卒七十二人。十一月初五日從界嶺口毀邊牆入，擊敗明大同兵二千五百于抬頭營，獲馬三百三十三匹。右翼兵前進地隘路險，單騎而進擒明偵卒。言黃崖口外四十里有石城關，甚隘。木柵三層，又距二十里有雁門關，用石圍砌大礮伏藏地雷。遂遣兵乘夜打毀兩關，取其地雷戮守關兵。初八

日至黃崖口。分兵夾攻。遂克長城。兩翼登城。右翼居先。斬守備一。城內兵潰走。初九日。聞薊州各鄉民俱竄入山。遣兵往取糧米牲畜。初十日。自黃崖口向薊州圍其城。是日。薊州總兵白騰蛟馬兵在前。馬蘭峪總兵白廣恩馬步兵六千在後。與我軍遇。擊敗之。擒叅將一。陣斬遊擊三。獲馬六百三十六。沙爾虎達等奏報。招降喀爾喀木遮克特庫塔土庫福提希俄爾渾窪齊奇庫巴查喇額額提奇薩厄野爾北十七人。民一千四百五十八。命奉國將軍巴布泰巴山率將士駐防錦州。十二月。命梅勒章京金維城率

漢軍馬步兵更番駐防錦州。朝鮮遣將率兵赴錦州助防。命迎宴之。

崇德八年正月。命梅勒章京譚布拜覺善等率將士更番戍錦州。三月。命護軍統領阿爾津哈寧噶等率將士征黑龍江虎爾哈。遣固山額真葉臣恩格圖率將士更番戍錦州。豫郡王言。兵者古不得已而用之。若恃強取勝。非義妄動。天必不佑。臣竊思今日似宜暫停師旅。至於國中興作。俟規模既定。然後舉行。總以農務爲急。則庶民衣食豐足。舉國慶豫。前鋒統領努山等往明寧遠及中後所捉生歸獲男

婦八十一。牲畜數十。五月，努山率叅領席特庫等探我大軍出邊消息，至界嶺口，斬明守備一，兵三百，獲人口三十四，馬牛驢二百餘，擒千總一把，總三。六月，阿巴泰等凱旋，大軍直抵兗州府，誅明魯王及樂陵陽信、東原安邱、滋陽諸王，並管理府事宗室等官數十人，計攻克三府十八州六十七縣，歸順者六城，敗敵共三十九處，獲黃金一萬二千二百五十兩，白金二百二十萬五千二百七十兩，有奇。珍珠四千四百四十兩，緞五萬二千二百三十疋，衣萬有三千八百四十領，貂狐虎豹皮五百有奇，角面千一百六

十副俘人民三十六萬九千名馬駝驢牛羊三十萬一千有奇。七月阿爾津等凱旋凡攻克波和里諾爾噶爾都黑山也招降山噶爾達蘇大噶爾達蘇綽庫禪能吉爾四也獲男婦二千八百餘名口牲畜四百餘貂皮千有六他皮六百六十餘。戊午。

諭諸大臣曰凡力戰行閒勤敏素著者令其部下人自行採參如有怠於從事素無勤勞不准採參。心懷嫉妬者必治以法。改理藩院衙門爲內三院另建理藩

院近禮部

八月初九日

上厭代年五十二廟號太宗立天興國弘德彰武寬溫仁

聖睿孝敬敏昭定隆道顯功文皇帝葬昭陵隆道顯功四字

康熙元年加敬敏二字雍正元年加昭定二字乾隆元年加

世祖大政紀畧第四

任邨金象豫介公輯錄

世祖章皇帝

太宗文皇帝第九子也。母

昭聖慈壽恭簡安懿章慶敷惠溫莊康和太皇太后以崇

德戊寅正月十三日甲午戌時生

上於盛京。姓十比誕之前

太皇太后有紅光繞身。女侍驚以爲火。近救不見。如是者

屢。又誕之先。外夢神人抱子授之。曰。此統一天下之

主也。受置膝上。其人忽不見。既寤。以語

太宗次日誕生。頂中髮一縷。聳然高起。與別髮迥異。是日紅光照耀宮闈。香氣瀰漫。生而神聖。志量非常。稍長。聰明英睿。六歲。即嗜書史。至

太宗文皇帝升遐。禮親王代善等奉

上嗣位。以鄭親王濟爾哈朗。睿親王多爾袞輔政。

順治元年正月。增設刑部。漢軍理事官二員。工部。漢軍理事官。每旗各一員。二月。增設內三院。學士各

一員。四月。

命睿親王師入關。五月。睿親王定燕京。九月。庚寅遣

使迎

駕甲午

上入山海關

壬子恭奉

太祖武皇帝

孝慈武皇后

大行皇帝神主奉安

太廟十月乙卯朔

上定鼎燕京

戶科給事中郝傑奏自古刑餘宦寺特供

洒掃耳從不敢與朝臣齒明末寵任廠衛遂貽杜劬

閻思印邊永清等開門迎賊之禍我國家痛絕中官

廠衛錢糧悉歸有司遠近無不歌頌乃者頒詔大典

賜宴廷臣。突有內監數輩。先行拜舞。辱朝廷而羞當
世。乞勅下禮部。朝賀內監不許入班行禮。尤有請者。
先朝原有牙牌舊制。應仍照品級懸帶。至雜流胥官。
不得濫越詞林科道侍從之前。庶觀瞻肅而體統明
得

旨。內監原未贊禮。何得混入朝班。牙牌事宜。著議奏。十
一月。用祭酒李若琳言。滿漢官員子弟。有願讀清漢
書者。俱送入國子監。仍設滿洲司業一員。助教二員。
教習清書。少詹事兼翰林院侍讀學士掌院事。胡
世安。少詹事兼管國子監祭酒事。李若琳。以詹事府

暫裁請辭詹事衛從之。十二月御史李發元請申飭中外各臣有以赦前事挾仇復告者坐違旨罪從之。有詐稱崇禎帝太子者下法司問狀伏誅。

順治二年正月河道總督楊方興言山東地土荒蕪有一戶止存一二十畝田存止一二畝者倘不計口核實一概征稅各爲免三分之一實一二畝地而納五六畝之稅荒多丁少以荒地累熟地逃丁累現乃是有蠲之名無蠲之實祈將現在熟地可免一半其拋荒之地不論有主無主悉行蠲免俾民受實惠而後民志固民生遂矣得

旨各直省無主荒地該地方官開具實數報部以便裁酌其熟地錢糧照蠲例如數開征吏科給事中朱徽言去歲五六月間人心甫定引避者多寮署一空今西寇就擒正當恢張天統延登俊人乃邇來京堂等缺強半裁省人材不無壅積之虞臣愚謂已裁者合行速補毋使淪滯方來者作何擢用並應酌量衙門大小職務繁簡量行增設俾人與官稱以疏仕進之路若以官冗費多輒議裁係不知天子坐擁四海之供豈惜區區升斗之俸乎况年力老壯自有乘除考績程功復分殿最若黜陟惟明進退以禮將來正患

才少。寧慮官多。又普天率土。義均臣民。凡督撫有缺。宜新舊參用。以公委任。至若錢糧軍馬。皆大權所關。太分則勢渙而難核。太合則勢重而易端。故明卿寺衙門。類若重複者。非不知裁之爲便也。蓋於設官分職之中。寓防微杜漸之意耳。夫開創之初。君臣同心。何所不宜。至爲子孫萬世慮。不得不委曲詳盡。計其利而更計其害也。得

旨。裁省京堂。意爲冗員無實。非因惜費。朱徽此奏。似屬可行。着將各卿寺衙門。因革事宜。直據所見。簡明再奏。其詹事太僕尚書等官。已經暫裁。應否仍設。着吏部

會同九卿科道詳議安確具奏。祭酒李若琳請更

孔子神牌爲大成至聖先師報可。二月御史傅景星奏

民房應給旗下者當寬以限期俟其搬移始令旗下
管業至於勸懲乃馭世大柄毋許姦宄告訐致開詆
謗之端用刑係民命攸關宜復秋審之條以圖尚德
之治若夫官方宜清而雜流未盡澄汰門市有稅而
諸物日見騰踊一切制度尚宜斟酌盡善下所司速
議給事中向玉軒言民間墳墓有在滿洲園占地
內者請許其子孫歲時祭掃從之。巡視南城御史
趙開心言近奉勅旨凡民間出痘者即令驅逐城外

四十里所以防傳染也。奈所司奉行不善。有身方發熱及生疥癬等瘡。概行驅逐。若貧苦小民。移出城外。無居無食。遂將弱子稚女。拋棄道旁。殊非仰體朝廷愛養生息之意。請嗣後凡出痘之家。必俟痘疹已見。方令出城。有男拋女棄者。定將該管官嚴加責治。其城外四十里東西南北各定一村。令彼聚處。庶不致有露宿流離之苦。得

旨允行。三月御史趙開心奏。故明兩掖門外有東西兩廊。各官按品級坐立。今爲逆賊焚毀。每遇朝參。各官坐立無所。請令工部就六科廊基址。鱗次搭造。庶朝

常肅而體統嚴下所司議大學士剛林奏盛京原定六部爲一品內三院爲二品今六部係二品銀印通政司詹事府係三品翰林院係五品俱銅印奏請酌定得

旨內三院照盛京爲二品衙門四月諭民間喪葬毋出正陽門著爲例五月令各衙門奏事

俱繕本章不許復用木籤從御史高去奢請也庚戌宣平定江南捷音六月順天巡按傅景星言地

被圈占之民俱兌撥贖薄屯地若仍照膏腴民地徵輸則苦累倍增應照屯地原額起徵爲便下部知之

禮部侍郎孫之獬言。故明宦官杜勛。喋君惡衆。傾
明社稷。法無可宥。請勅刑部速處。得。

旨。杜勛事在赦前。該部知道。除割脚筋之刑。從給事中

李士焜請也。

諭禮部。向來雜頭之制。姑聽自便者。欲俟天下之大定。此
事朕籌之熟。若不歸一。不幾爲異國之人乎。自今布
告之後。京城內外直隸各省。限旬日盡行雜完。若規
避惜髮。巧詞爭辨。決不輕貸。該地方官若有爲此事
瀆進表章。欲將朕已定地。乃仍存明制。不遵本朝制
度者。殺無赦。

順治三年八月原任陝西河西道孔聞謬言臣家宗
子衍聖公已遵令薙髮但念

先聖爲典禮之宗章甫纓掖自漢暨明三千年有所未改
今一旦變更恐於

皇上崇儒重道之典有所未備應否蓄髮以復本等衣冠
統惟

聖裁報曰薙髮嚴旨違者無赦孔聞謬姑念聖裔免死着
革職永不叙用十二月禮部言內監仍故明例每
遇朝參行禮在文武諸臣之前於體未合嗣後概不
許朝參亦不必排班從之江西巡撫李翔鳳進正

一真人張應景符四十幅得

旨致治之道唯在敬天勤民安所事此朝廷一用天下必致效尤其置之

順治四年四月以閩廣平定遣官祭告

福陵

昭陵 六月大理寺卿王永吉以陞工部右侍郎具疏控

辭得

旨有心願居官而徒尚虛名或一次兩次控辭者皆是踵明故套以後再有似此即允所辭永不錄用久已有旨王永吉何得不遵着革職永不錄用 遣戶部理

事官繆尚義赴廣州廉州等處珠池採珠。禁民間行使制錢。不許以一當二。違者治罪。以廣東初定特頒。

恩詔。丁卯。

幸邊外行獵。乙未。

上還宮。十月。兩廣總督佟養甲言。採珠不便於民。得旨。差官着即撤回。寧夏巡撫胡全才設法捕蝗。境內田禾獲全。因以捕蝗法上聞。並請傳示各省。永絕蝗災。

章下所司。

諭入朝侍衛各官子弟。內通文理者。吏部酌用。尋部議。監

生以通判用。廩增附以州同用。未入庠者以州判用。
宋犖時十五歲以監生擬通判用。十二月改世職。
昂邦拜章京爲精奇尼哈番。梅勒章京爲阿思哈哈
番。甲喇章京爲阿達哈哈番。牛錄章京爲拜他喇布
勒哈番。半個前程爲施沙喇哈番。其在部院官員及
直省駐防章京官銜仍照舊。孔有德等奏湖南捷

音

順治五年正月禁官員房柱用朱色及民間用金貼
梁。定優免則例在京官二品免糧三十石人三十
丁。二品糧二十四石人二十四丁。至九品各有差外

官減半。教官舉貢監生員各免糧二石。人二丁。致仕。免十分之七。閒住免半。犯職者不在免例。四月。遇必隆有罪。免死籍沒。九月。設六部漢尚書。都察院。漢都御史各一員。十一月。奉

太祖配天。

四祖入廟。遣官祭告。

天地。

太廟。

社稷。文曰。天子臣。御名。敢昭告於。皇天上帝。曰。升中大典。禮重配天。世德咸休。情殷尊祖。恭。

於順治五年十一月朔八日冬至祀

天於南郊奉

太祖武皇帝配謹溯推原本追崇

太祖以上四世高祖澤王爲肇祖原皇帝高祖妣爲原皇后曾祖慶王爲興祖直皇帝曾祖妣爲直皇后祖昌王爲景祖翼皇帝祖妣爲翼皇后考福王爲顯祖宣皇帝妣爲宣皇后聿成大典敷布多方備此明禋預申虔告餘文同

覃恩大赦 十二月

諭內三院前戶部奏在外大小衙門額設公費等項冗濫

累民酌議裁減已經允行。今思裁減未免用度不足。反致害民。着另議速奏。

順治六年正月。以姜瓖叛。造言惑衆。

諭兵部曰。朕欲天下太平。日夕圖維。罔敢怠忽。想往年流賊作亂。官民人等受其屠戮。禍患已極。入關勦賊。出斯民於水火。孰意近年以來。多有不軌之徒。捏造流言。煽惑愚衆。以致無知之民。輕信惶惑。逃散作亂者。往往有之。若愚民疑心未釋。天下何時太平。朕聞不嗜殺人者能一天下。書云。衆非元后何戴。后非衆罔與守邦。君父也。民子也。父殘其子。情理之所必無。况

誅戮所以懲有罪。豈有無故殺人之理。自元年以來。流民謠言無時不有。今將六年矣。無故而屠戮者。爲誰。民肯從此回想。疑心必然冰釋。朕又思滿漢言語雖異。心性自同。世間決無安家樂業之人。自好爲賊。而樂就死地者。必有弗堪之情。在意者。督撫鎮按。不得其人。與有司朘削魚肉。民難自存。與蠲免賦稅。有名無實。與茲特舉數事。料不止於此。今嚴飭各官。確議除弊興利長策。朕將次第酌行。爾部即通行告示。

曉諭天下之民。

三月

諭兵部近聞民無兵器。賊反得利。思礮與甲冑。非民間宜

有仍照舊嚴禁其三眼鎗鳥鎗弓箭鎗刀馬匹悉聽
民間留存其先交官者給還又

諭兵部向來申嚴隱匿逃人之法斬其鄰右及十家長百
家長不行舉首地方官不能覺察者俱連坐今思前
令未免過重今後隱匿者免死流徙其左右鄰責三
十板家長責二十板逃人自歸其主或隱匿者自行
送出一概免罪有親戚願贖回者聽五月
諭兵部滿漢俱屬我民原無二視之理但爾來用兵亦出
於不得已豈可苦累良民今後兵行不論多少其糧
料草束悉照部定數目支用不得多取其鍋席剃刀

馬槽等物喂完馬日各固山章京親驗發還。有搶漢人一物者。即行處斬。家長及該管官一併治罪。有帶弓箭軍器夥衆劫奪者。不分首從皆斬。爾部通行曉諭。戶部言。師旅頻興。歲入不供。議開監生吏員承差等。援納給內外僧道度牒。准徒杖等折贖。裁天津鳳陽安徽巡撫巡江御史天津餉道等官。以爲生節之計。從之。七月。戶部議覆江寧巡撫土國寶疏言。華亭縣義米一項。始於義士顧正心。憫里人差役之苦。宗族養贍之難。損資置田四萬八百餘畝。每歲租米四萬三千餘石。幫貼賠累。優卹貧窮。原與有司無

涉應仍歸正心子孫收種以成義舉從之十月禁
伐昌平故明陵寢樹木壬辰申刻京師地震二次
起東北迤西南

順治七年正月織造龍衣機上有異光三日不止欽
天監占以爲統一天下政治文明之瑞三月乙未
未刻日赤色如血九月海寇鄭成功犯潮州總兵
王邦俊破之十二月戊子攝政睿親王薨

順治八年正月庚申

上親政御太和殿大赦天下十九日丁卯升祔
孝端正敬仁懿莊敏輔天協聖文皇后於

太廟二月初十日上

昭聖慈壽皇太后尊號尊恩天下丙午

諭戶部朕聞各處圈占民地以備畋獵夫古人講武必於
農隙今又奪其耕耨之區斷其衣食之路朕心不忍
爾部即將前圈土地盡數退還今乘時耕種閏二
月御史匡蘭兆言朝祭宜復用袞冕得

旨一代自有制度朝廷惟在敬天愛民何必在用袞冕

命固山額真阿喇善等率兵勦山東賊寇

諭禮部國家生財自有大道僧道納銀給牒瑣屑非體以

後永免納銀有請給度牒者州縣確查報司申部給

發。

諭兵部。

前者青州故明王田王之子。聚眾祭旗。又陝西叛將王元馬德戕殺撫臣。議扶立廢王之孫。因而故明各王多被誅戮。朕甚憫焉。今朕親理萬幾。務祈百姓得所。豈獨故明子姓不在涵育之中。以後各直省有故明親王郡王流落地方者。該督撫將伊家起送來京。分別蓄養。其鎮國將軍以下。各照原籍編氓一體輸稅當差。爾明宗室亦宜悔禍革心。仰體朝廷愛惜生全之意。三月吏部言。各旗子弟率多英才。可備循良之選。但學校未興。制科未行耳。

先帝在盛京。愛養人才。開科已有成例。今日正當舉行。臣等酌議。滿洲蒙古漢軍各旗子弟。有通文義。提學御史考試。取入順天府學。鄉試作文一篇。會試作文二篇。優者准其中式。照甲第除授官職。則人知向學。進取有階。矣。報可。乙酉。

諭朕覽巡鹽御史崔允宏章奏。因思各處鹽課。常報餘銀若干。若非多取諸商。則必侵尅於民。大屬弊政。着通行各鹽運等官。止許徵解額課。五月外。轉御史張煊。許吏部尚書陳名夏。結黨行私。銓選不公。部議諸款多屬赦前。且不實。煊向官御史。不言。今言於外轉。

之後。心懷妬忌。污蔑大臣。擬死。六月。阿喇善等攻克山東。盈河山寨洞等。斬賊首劉遜。張齊。三十一人。餘賊斬殺無算。八月。上

昭聖慈壽恭簡皇太后徽號。恩詔三十三條。九月。浙閩總督陳錦奏。官兵破偽魯王於舟山。魯王遁。十月。封

肇祖

興祖陵山曰啟運。

景祖

顯祖陵山曰積慶。

福陵山曰天柱。

昭陵山曰隆業。

順治九年三月大學士范文程等言會試中式第一名舉人程可則文理荒謬首篇九悖戾經法命革中式并治考官罪予故御史張煊察一壇並全葬。草內翰林秘書檢討唐夢晉職以張煊優恤已經刊布中外復藐旨瀆奏陰護洪承疇陳名夏故也。六月大學士范文程疏題翰詹陞補畫一之法修撰編檢按科分先後次序陞轉凡奉差終養丁憂治喪依限到京者仍照科分次序違限期計所違月日序於

後給假告病者概序於後降補別衙門復回者照現
補官品爲序三品官服闋病痊者由撫按具奏臣衙
門題補四品以下官親身赴京亦臣衙門題補着永
爲例欽天監監正湯若望進混天星圖地平日晷
等儀器浙閩總督陳錦領兵征鄭成功至漳州灌
口爲家丁刺死

諭內三院內外題本奏本先已飭禮部發式通示今內外
本章尚有長短寬窄違式參差者即傳諭禮部嚴加
申飭務使畫一

命敬謹親王尼堪爲定遠大將軍統兵征湖廣貴州以張

獻忠餘孽孫可望等侵擾也。八月。

諭尼堪等毋往貴州。從湖南進取寶慶。入廣西搜勦賊孽。

九月。

命前鋒統領阿爾津爲定南將軍。同都統馬喇希往征廣東未定州縣。十月。調阿爾津爲安西將軍。同馬喇

希鎮守漢中。以賊犯四川也。十一月。

命都統卓羅爲靖南將軍。同都統藍拜統兵征廣東未定州縣。大學士范文程入見。

上語曰。朕夢列旗吹角。對天稽首。復見敵兵射來三四矢。俱手接之。未及身。又夢天遣五人言。默助朕躬。其狀

悉如素識。范文程曰：近遣敬謹親王討賊，想渠魁就擒耳。且對天稽首，天心默佑，兆俱大吉。

諭禮部：明末寇陷都城，君死社稷，當時文武諸臣中，豈無殉君死難者？幽忠難泯，大節可風。爾部宜會同各部院衙門，詳訪確查死節職名，并實蹟具奏，勿遺勿濫。辰常總兵徐永興與賊戰，白文選戰敗死之。敬謹親王尼堪追賊歿於陣，追封莊親王。十二月，江西巡撫蔡士英奏官兵復安福、永新二縣。調阿爾津定南將軍，同馬喇希統兵征湖廣逆賊。

諭刑部：巨盜李應試、潘文學、盤踞都下，多歷年所，官兵莫

敢攖鋒。今因別事發覺。審得李應試別名黃騰李三元係明朝重犯。漏網出柙。崇一募養強盜。結交官司。役使衙竈。遠近盜賊。競輸重資。南城鋪行盡納常例。明作威福。暗操生殺。他若崇文門一應稅務。自立規則。擅抽課錢。惡姪殺人。死者家不敢申訴。諸如此類。罪不勝數。潘文學自充馬販。潛通馬線。挑取騰健馬。騾接濟。遠近盜賊。每次多或一二百匹。頭少或數十匹。頭羣盜得驕。如虎生翼。且交通官吏。抱攬不公不法之事。任意興滅。甚至文武官員多與投刺會飲。道路側目。莫敢誰何。以上二犯罪大惡極。舉官民人等

皆言罪當萬死。故將李應試、潘文學併伊子姪俱奸。
行梟斬。又兵科都給事中李運長身爲言：「官反與應
試姪李天鳳聯宗，認爲兄弟。將天鳳子李養冒作己
子，充送官監及事覺，仍藏匿天鳳子希圖倖免。姑從
寬典，止誅運長及李養。以後各衙門勿得徇縱，以取
罪戾。再有與奸盜往來者，事發定行連坐。」

順治十年正月庚午

諭內三院：朕自親政以來，各衙門奏事，但有滿臣未見漢
臣。朕思大小臣工皆朕腹心手足，凡進奏本章內院、
六部、都察院、通政、大理等衙門滿漢侍郎卿以上參

同來奏其奏內事情或未當者可以顧問商酌爾等
傳諭諸臣務體朕懷各竭忠貞盡除推諉以昭一心
一德之盛 辛未

諭內三院近來言官條奏多係細務未見有規切朕躬者
朕一日萬幾豈無未合天意未順人心之事良由諸
臣畏憚忌諱不敢進諫耳朕雖不德於古帝王納言
容直每懷忻慕朕躬如有過失諸臣須直諫無隱即
有未合不妨再三開陳庶得省改力行正直希臻治
平進言切當者必加旌獎言之過戇者亦不譴責即
傳諭大小諸臣俾咸悉朕意 工科愛惜喇庫哈番

都給事中姚文然言近兵部大臣皆因得罪鎖禁法門天寒地凍日久成疾且通衢大路功貴大臣帶鎖褻辱非所以廣

皇仁而存國體得

旨以後滿漢諸臣有犯貪惡重大事情應發刑部者在部守候不必鎖拿送問審有實據引律擬罪奏請處分給事中王廷諫言盜賊恃富未爲巢窟而敢爲富主者非地方豪惡即投充莊頭也力足以轉辦勢足以庇護請嗣後追問富家如係莊頭及投充人等即行擒拿解部從之以貝勒屯齊爲定遠大將軍統

兵征勦湖南。

命護軍統領阿爾津韓岱宜爾德等率師往會湖南大兵討賊。

上幸內院謂大學士等曰頃黃臆李三一細民耳。住房外復多造房屋。每間修飾整齊。其故何也。洪承疇對曰。其房屋分照六部。或某部人至。或自外來。有事某部者。即入某部房內。

上曰。以一細民而越分妄行如是。故天使之敗耶。

上又曰。李三大爲民害。諸臣畏不敢言。鞠審曰。甯完我陳之。遘默無一言。鄭親王詰之。之遘始曰。李三巨惡。誅

之則已。倘不行正法之。遴必被陷害。此豈非重身家性命乎。陳名夏曰。李三雖惡。一御史足以治之。臣等叨爲大臣。發奸摘伏。非臣所司。且李三廣通線索。言出禍隨。顧惜身家。亦人之恆情也。二月。浙閩總督劉清泰言。臣遵密諭細察。廈門一窟。素稱鄭逆老巢。撫臣張學聖道臣黃澍鎮臣馬得功。垂涎金穴。乘成功他出。潛師往襲。悉攫其家資。以致鄭逆索償。怨海郡淪陷。

命褫三人及按臣王應元職。解京嚴訊。

上幸內院。閱通鑑。問漢高文光武及唐太宗宋太祖明太

祖孰優。陳名夏曰：唐太宗似過之。

上曰：不然。明太祖立法周詳，可垂永久。歷代之君皆不及

也。二月。

諭各部有兩滿尚書者，裁其一。

上幸內院，覽少詹事李呈祥疏。部院衙門應裁滿官，肅任

漢人。顧大學士洪承疇曰：李呈祥此疏大不合理。朕

不分滿漢一體眷遇，爾漢官奈何反生異意？若從賢

而言，首崇滿洲，理所宜也。三月。

賜太常寺卿管欽天監事湯若望號通懸敬師。

上幸南臺，持弓。顧諸臣曰：我朝定天下，以此弓。朕於每年

出獵二三次。練習騎射。今天下之大。幾務繁冗。一應
章奏。朕親為批斷。身雖不暇。心常念茲不忘。諸臣曰。

皇上居安思危。真天下之福。臣等願

皇上始終常存此念耳。

上曰。卿等恐朕志不堅。有違此言。朕自堅厥志。卿等亦當

堅心輔朕。使天下久安。

上諭各衙門本章內漢字。宜先書官員銜名。次書謹題字。

樣。次書所條陳為某事。四月。

上御太和門。親試兼翰林銜吏部侍郎成克鞏。禮部侍郎
張端及內三院學士劉正宗。編檢以上官六十二員。

君子懷德論二篇。請立常平疏一道。

諭吏部國家官人內外互用。方見真才。朕親試詞臣。量爲分別。有堪授外任者。檢討以上官。照詞臣外轉例。優與司道員缺。衰病者聽其請告。朕仍優遣之。

命察核六部都察院卿寺各衙門官員。偏沅巡撫奏拿獲故明福清王嫡子朱由杞得。

旨。即在彼正法。欽天監奏連日夜見火星逆行房宿初度。在黃道南。宜防火災。以早下詔求直言。省刑獄。五月停止各省巡按。其十四道監察御史止留二十員。餘俱裁。

命駐防江寧府昂邦章京哈哈木爲靖南將軍。往征廣東逆寇。

命大學士洪承疇爲太保兼都察院右副都御史兼太子太師內國史翰林院大學士經畧湖廣廣東廣西雲南貴州等處地方總督軍務兼理糧餉聽擇扼要處所駐紮。撫提鎮以下悉聽節制。六月設兩廣總督一員以李率泰爲之。戶工兵三部遵

諭改折各直糧省錢糧歸於一條鞭法。總收分解永爲例從之。定遠大將軍多羅貝勒屯齊奏。二月二十八日大軍抵永州。僞安西王李定國度龍虎關遁去。三

月初十日我軍向寶慶進破十五日宿岔路口偽秦王孫可望自靖州來與馮雙禮白文選馬進忠諸賊合我軍分擊敗之斬獲無算 辛亥

賜故明殉難大學士范景文戶部尚書倪元璐左都御史李邦華副都御史施邦耀左庶子周鳳翔中允劉理順馬世奇檢討汪偉太常寺少卿吳麟徵都給事中吳甘來御史王章陳良謨主事成德金鉉駙馬都尉鞏永固及太監王承恩等十六人謚并給田勅有司致祭 設內三院漢大學士各三員 內院題請以翰院五品以下官提督直隸江南江北學政其習滿

書者不差報可。 閏六月

諭內院。乃者。霖雨。旬月。都城內外。積水成渠。房舍傾壞。薪桂米珠。甚者。傾壓致死。深可軫念。皆朕不德所致。朕當一意修省。祇懼天戒。大小臣工。各盡職業。共圖消弭。該部。確察被災戶口。據實奏聞。戶科。給事中。周曾發言。頃者。建造乾清宮。數月以來。雷燬先農壇門。又霖雨連綿。沒田舍。壞廬舍。竊考五行之數。土不能制水。則水濫。水濫則土陷。而木浮。

皇上有事於土木。而天心示儆。非一端。伏祈暫緩興作。得旨。這本說的有理。 七月。都察院承政屠賴言。請暫停乾

清宮工及不必鼎立司禮監衙門名色得

旨所奏是但衙門雖設事權不在寺人。乾清宮物料已辦。仍遵旨行。鄭親王傳集各部院堂官與諸王貝勒會議。以雨潦異常。請暫停殿工。以錢糧賑濟軍民。從之。戶部等會議以後鑄錢務照定式。每文重一錢五分五厘。背面鑄一厘字。精工鑄造。每千文作銀一兩。有不遵治以罪。允行。聞喀爾喀部落相約率兵向內。

命多羅安郡王岳樂烏宣威大將軍統兵防戍歸化城。十月庚午昏刻。水木二星合於女宿度。十一月庚

子夜金星與木星在女宿。十二月以都統陳泰爲定南靖寇大將軍。同都統藍拜濟什哈蘇章京蘇克薩哈等統兵駐鎮湖南。以孫可望等蹂躪其地也。

順治十一年正月海寇犯崇明靖江興泰官兵擊走之。海寇犯金山。三月大學士甯完我劾大學士陳名夏結黨懷奸情事叵測。其畧曰陳名夏痛恨我朝雜髮鄙棄我國衣冠。曾謂臣曰要天下太平只須留頭髮復衣冠。臣思我國能一天下以衣服便於騎射之故也。今名夏欲寬衣博帶。是計弱我國也。一名夏父子居鄉暴惡。士民仇怨。避居江寧。故明魏國公

花園中。此園例應入官。價值十萬金。江寧各官公捐
三千金。代爲納贖。其子掖臣。包占故明吏部郎吳昌
時女。橫行江寧城中。坐大轎。列棍扇。說人情。納賄賂。
一趙延先。不當陞而陞。名夏反。欲處言官而罪同列。
甄別翰林本出

聖裁。而名夏直任去留。由己攬權欺詐。一名夏姻親文儒
綱任浙江道時。誣朱秀才爲故明宗室。抄其家資巨
萬。逼其親人性命。浙撫蕭起元劾其贓私奉

旨。革職提問。名夏利其田宅。許其開贓復官。此案八年未
結。一探花張天植告假回南。名夏回南助銀百兩。天

植於伊妻子處還銀五百兩名夏不知以爲騙也故
言天植得罪於我所以外轉及還銀信到見天植又
曰還汝翰林可也一吏科魏象樞係名夏姻親結爲
一黨象樞誤恭司官錢受祺擅委中軍後自檢舉部
覆受祺無罪免議象樞降級調用名夏輒票部本罰
俸六個月一臣等公立一簿於分票事件下各親書
姓氏以防推委一日名夏將公簿注塗抹一百一十
四字不知作弊又在何作一
上命內大臣傳出科道結黨諭旨臣書稿底名夏抹去擠
異排孤一語改明季埋沒局中因而受禍今方馳觀

域外豈容成姦四語。名夏糾黨奸究情形。恐

皇上看破。故欲以隻手障天地云云。吏部等衙門會鞫。俱實。着處絞。戊申。

聖祖仁皇帝生。

命詹事翰林等官。陞補俱歸吏部。從大學士范文程等請也。四月。御史年雲龍條奏五事。一。漕白折乾之弊。當除。一。劣生包攬之害。宜革。一。生員充當里長。宜禁。一。八旗分戍。不宜更調。一。官設買賣人。宜止。章下所司。鞫訊。大學士陳名夏。子掖臣倚恃父勢。恣行不法。諸事俱實。奉

旨。免死決杖。遣戍盛京。六月以都統朱馬喇爲靖南將

軍。勦廣東賊寇。十二月以鄭親王世子濟度爲定

遠大將軍。征勦鄭成功。遣都統明安達禮統兵征

羅刹於黑龍江。

順治十二年正月。廣西土賊僞總兵廖爲增於玉版

泉伏誅。吏部遵

旨。開列科道等從前言事不當。及糾叅失實。革降者。向玉

軒等四十人。原案情由奏請。復吳達等七人官。左

都御史屠賴等言。愛民莫先除害。近聞八旗投充之
人。自帶本身田產外。又任意私添。或指鄰近之地。據

爲己有或連他人之業隱避差徭被占之民既難控訴國課亦爲虧減上下交困莫此爲甚宜勅戶部將投充之人原投部檔查核給地外其多占地畝即退還原主庶民累稍甦而租賦亦增矣又年來因逃人衆多立法不得不嚴但逃人三次始絞而窩主一次即斬又將鄰右流徙似非法之平也竊謂逃人如有窩主者逃人處死即將窩主家產人口斷給逃人之主兩鄰甲長責懲該管官員議處無窩主者仍鞭一百給主其自投歸主及窩主出首者俱照例免議庶逃人少而無辜之株連者亦少再如建言降革諸科

道已蒙

持旨令吏部開列事由奏請矣。查流徙郎中郭一鵬詞臣李呈祥侍郎魏琯等其罪雖分輕重實皆由於進言似應一體開列庶不虛宥過惜才盛典得

旨着王大臣等會議給事中李裪言逃人一事立法過重未免株連太多使海內無貧富無良賤無官民皆惴惴焉莫保其身家可爲痛心者一也。法立而犯者衆勢必有以逃人爲奇貨縱令紮詐則富家立破禍起奴婢則名分蕩然可爲痛心者二也。犯法不貸牽引不原即大逆不道無以過此且破一家即耗朝廷

一家之供職殺一人即傷朝廷一家之培養古人十年生之十年教之乃以逃人一事戕之乎可爲痛心者三也人情安居何苦相率而逃至三萬之多不以恩義維繫其心而但以法窮其所往可爲痛心者四也即自捕獲以後起解質審道路騷擾冤陷實繁支蔓不已生齒凋敝可爲痛心者五也且饑民流離地方官以挨查逃人之故閉關不納嗟此窮黎朝廷日捐租煮賑衣而食之奈何以酷法苛令迫而斃之乎可爲痛心者六也婦女躑躅於原野老稚僵仆於溝渠強有力者勢必挺而走險今寇孽未靖何以復驅

赤子作賊乎。可爲痛心者七也。今會議未幾。流徙尚陽堡。二月。停止滿兵。攜帶眷口。駐防武昌。三月。侍郎趙開心。以饑民流離可憫。請暫寬逃人之禁。得旨。趙開心。沾譽市恩。着降五級調用。四月。主事達都。劾御史張嘉。請停滿洲關差。以滿官奉差。秉公守法。必不徇私。故張嘉嫉忌奉

旨。降一級調行用。五月。

命都統石廷柱。爲鎮海將軍。駐防京口。六月。吏部郎中宋學洙。以典試河南。宿娼受餽。革職。寧南靖寇大將軍陳泰。疏報。僞將軍盧明臣。僞興國侯馮雙禮。攻

岳州武昌。偽安南王劉文秀攻常德。護軍統領蘇克薩哈伏兵邀擊之。賊大敗。明臣赴水死。雙禮被重創。遁。文秀走貴州。嚴禁沿海省分。無許片帆入海。違者立置重典。七月。給事中李開生言。家人自通州來云。有使者封船奉

旨往揚州買女子。云云。部議。李開生不知乾清宮需用器皿。差人採辦。妄聽謠言。瀆奏沽名。流徙尚陽堡。寧南靖寇大將軍陳泰卒於軍。八月。以都統阿爾津爲寧南靖寇大將軍。同都統卓羅統大軍。駐防荊州。都統祖澤潤分防長沙。以孫可望騷擾湖南也。九

月朱馬喇等班師還京。十月兵科右給事中張文光疏請大小官員病故俱照生前品級填給勘合兵部議准行。十二月舟山副將杞成功叛從賊以都統宜爾德爲寧海大將軍征之。順治十三年浙閩總督卞泰奏自舟山失守海寇直犯台州副將馬信叛變獻城。二月令兩廣總督移駐梧州從洪承疇請也。

諭諸漢臣曰人心澆薄受業師畧不致禮惟以考試官爲師以理論自幼教諭宜始終敬謹若考官朕所遣也豈受業比哉自後明示禁革。四月阿爾津奏官兵

大破姚黃賊渠於蕪陵之蛇倒退山招撫俘獲無數

浙撫秦世禎以造戰船伐宋陵樹木得

旨前伐陵原有明禁何得不候旨徑行著議處伐過樹木

照在前裁補

七月世子濟度奏鄭成功下總兵黃

梧副將蘇明鄭純等謀斬偽總兵華棟並殲其部兵

獻海澄縣投誠封梧海澄公九月寧海大將軍宜

爾德奏海逆偽總兵王長樹毛光祐沈爾序等犯大

蘭山遣兵擊斬之臣親趨定海縣敗賊於衡水洋口

斬賊渠陳元御阮思遂取舟山十月阿爾津奏克

復辰州土司彭宏澍籍所屬三州六司三百八十洞

戶口以降。

順治十四年正月。宜爾德征舟山凱旋。定遠大將軍世子濟度奏。分遣將士。敗賊於泉州府。高齊陸路。侯官縣。泉州大營。烏龍江。惠安縣。衛套。閩安鎮。諸處。二月。給事中張文光言。魯哀公誄孔子曰。尼父。漢平帝元始元年。加謚曰宣尼父。後魏太和十六年。改謚文聖尼父。唐太宗貞觀十一年。尊爲宣聖尼父。明皇開元二十一年。始進謚文宣王。元武宗至大元年。加謚大成至聖文宣王。明嘉靖九年。改爲至聖先師。我朝順治二年。祭酒李若琳不加考訂。請易爲大成。

至聖文宣先謚師。不過仍元武宗舊謚而不稱王耳。臣謂大成文宣四字。豈足以盡孔子。請於木主仍改爲至聖先師孔子神位。從之。三月。世子濟度班師。

左都御史魏商介以災變條奏。降斥之言。官宜錄不急之工程。宜停。催科不及之守令。宜留。刑部遵

旨。開豁之冊籍。宜核。孤貧之口糧。宜增。微官之俸祿。宜厚。用兵之機會。宜待時。旗下之駐防。宜減額。又請養

聖德以寬大。飭羣臣以節省云云。下所司。四月。以都統

宗室羅託爲寧南靖寇大將軍。統兵駐防荊州。分遣都統伯佟六十駐防長沙。以孫可望等煽亂未已也。

八月鄭成功犯台州府巡道蔡瓊枝副將李必及府縣官俱降賊九月都統屠賴奏克復福建閩安

縣十月

命都統卓布泰副都統莽吉圖富喀等統兵駐防江寧

地震

命諸臣修省同考官李振業張我樸舉人田紹卨作霖

科臣陸貽告密俱立斬家產籍沒父母兄弟妻子流

徙尚陽堡給事中任克溥劾其賄買中式訊實也

十一月偽秦王孫可望與李定國相攻不勝率妻子及標下總兵都督等來降

封義王死後襲替二次至孫徵瀚始降封慕義公

十二月以經畧輔臣洪承疇病愈。

命仍留原任統將士由湖廣前進相機平定貴州以都統卓布泰爲征南將軍同提督線國安富喀莽吉圖等由廣西進寧南靖寇大將軍羅託同都統濟席哈等由湖南進討貴州吳三桂兵由四川進

順治十五年正月朔以

皇太后聖躬康豫頒詔大赦掌欽天監印務湯若望進相拒歷。

命多羅信郡王多尼爲安南靖寇大將軍同平郡王羅可鐸貝勒尚善杜蘭都統宜爾德阿爾津巴思漢卓羅

等統兵進取雲南。二月刑部左侍郎杜立德劾內
院學士胡兆龍罔上行私。甲午中一弟兆麟。今科中
一弟兆鳳。都城有一龍當道。麟鳳齊鳴之謠。又以臣
弟立本等業師朱以忠回家自縊。兆龍主使。朱持正
等告訐。借端陷害。下吏部察議。杜立德叅款不實。應
革職。援赦免。以賄買情弊。覆試丁酉科順天舉人
米漢雯等。內蘇洪濟等八名。文理不通。革去舉人。
禮部議覆御史趙祥星疏。會試大典。剔弊宜嚴。第一
場題目請欽定。得。

旨允之。

以江南新科舉人。嘖有煩言。請

旨覆試應停會試從御史上官鉉請也

三月李定國黨

閔維龍曹延生等攻陷廣西橫州總兵馬雄尋復其城

諭禮部丁酉科江南中式舉人物議沸騰是以親加覆試
今取得吳珂鳴准同會試中式舉人一體殿試其汪
溥勛等七十四名仍准作舉人史繼佚等十四名罰
停會試二科方域等十四名文理不通着革去舉人
四月直隸河南山東總督張懸錫至順德府迎義
王回館自刎未絕有遺疏畧曰待罪臣張懸錫謹奏
臣自蒞任以來天心願作忠良喜怒不拂民欲是非

必告富倉意欲平治天下誰知直道難行清白招衆之忌慙直舉國謂狂是以滿腔愁鬱因而儀節乖張自知此身必死何如引咎而亡有負天高地厚從此雲水蒼茫

皇上如念臣積勞數載並無懷隱中藏幸赦宥乎眷屬永拜德於泉壤嗚呼異世猶圖犬馬此身惜別倉皇臣家無餘蓄亦無良田美宅蒞任不敢受地方官一錢以負

上恩惜爲人所誤亦天意也云云

上命副都御史侍郎科道等官速往察明具奏吏部等會議賄納內監吳良輔事奉

旨陳之違前犯之罪應置重典從寬以原官從盛京復召還旗下乃不思改過又行賄賂交結深負朕恩姑免死革職并父母妻子流徙盛京家產籍沒五月學士折庫納等奏訊明張懸錫自陳迎接失儀爲學士麻勒吉詰責一時惶悚無地遂引佩刀自決得

旨張懸錫係朕特簡即有屈抑情節皆當陳奏何至刎頸殊失大臣之體念其素行清謹姑着降三級調用御史李森先請寬建言諸臣之罰如言事流徙李呈祥李開生李嗣衛瑄郝浴張鳴峻等皆與

恩詔因公誅誤之例相符奉

旨。李呈祥等原非誣誤。李森先援引詔疑明係市恩。着從重議處。部議。流徙尚陽堡。

上免之。復原官。

諭兵部近聞有姦徒假冒逃人詐害百姓或借名告假還家將殷實之家指爲窩主或原非逃人冒稱旗下在外嚇詐或買主冒認說名作真或領本貿易假夥板害種種詐偽深爲可恨今後凡有逃人本主報明該管官將逃人之主及逃人姓名具結報部如逃後日久方報及被獲後始稱係伊家人者不許給主直省地方有旗下不告假私出妄爲及冒稱旗下作奸橫

行者該督撫嚴行訪拿。並本主從重治罪。海澄縣遊擊劉進忠等叛降海逆。城陷。廣西巡撫于時躍奏偽寶康侯賀九儀遣將曹友犯賓州。官兵擊敗之。羅託等報克復湖南沅靖等處。進取貴州省城。及平越鎮遠等府。卓布泰報大兵已抵貴州。所過南丹州撫寧州各土司及獨山州官民俱就撫。一甲一名進士孫承恩未受職。坐胞弟賜科場事。應連坐流徙。特宥之。授修撰。張懸錫言臣迎接失誤。實出無心。乃諸臣待臣不以禮。始而倨傲。末與見。既而鄙薄不與言。侮辱情狀。誠所難堪。然臣猶再三求見。再三

請教。冀此一念悔罪之誠。或者轉達。

天聽。乃麻勒吉愈爲責備之詞。始則止告以失儀。繼則漸露苛索之意。云。我們到南邊。洪經畧遠接餽送。而徹白諷臣餽送駝騾。臣思賄賂黨與。朝廷首禁。臣寧死不敢從。不從則觸諸臣之怒。必謂臣有心怠慢。人臣而怠慢。罪不容誅。臣當時計無復之。惟有一死迫切。急情實出於此。奉

旨。麻勒吉借端苛索。逼迫大臣。着從重議處。鄭逆犯濫

州府。臨平陽瑞安。七月奉

上諭。吏部本朝設內三院。有滿漢大學士。侍讀學士等官。

等官今斟酌往制。除去內三院秘書宏文國史名色。
大學士改爲殿閣大學士。仍俱正五品。照舊例兼銜。
設立翰林院掌院學士一員。正五品。其餘學士亦正
五品。內閣滿字稱爲多里吉衙門。漢字稱爲內閣。翰
院滿字稱筆帖黑衙門。其侍讀學士以下員數官銜。
滿名照漢官稱謂。通着查例詳議具奏。六部滿漢尚
書俱作正二品。滿字仍稱阿里哈昂邦。侍郎俱作正
三品。滿字仍稱阿思哈尼昂邦。理事官滿稱一齊蝦
喇哈番。漢稱郎俱正五品。副理事官滿稱愛惜喇庫
哈番。漢稱員外郎俱從五品。額者庫哈番。漢稱主事。

俱正六品司務添設滿官稱爲拜他喇布勒哈番庫從
九品都察院左都御史滿字稱哈思戶額爾機阿里
飛拜察喇昂邦正二品左副都御史滿稱哈思戶額
爾機阿思哈尼拜察喇昂邦正三品左僉都御史滿
稱哈思戶額爾機阿達飛拜察喇昂邦正四品監察
御史滿稱察脈拖喇哈番正七品經歷改爲司務添
設滿官滿稱他庫喇布勒哈番從九品通政使司通
政使滿稱阿里飛哈分布勒哈番正三品左通政滿
稱哈思戶額爾機哈分布勒哈番正四品右通政滿
一齊額爾機哈分布勒哈番正四品左叅議滿稱哈

思戶額爾機愛惜喇庫哈番右叅議稱一齊額爾機
愛惜喇庫哈番俱正五品經歷改爲司務添設滿官
稱他庫喇布勒哈番從九品大理寺卿滿稱阿里哈
哈番正三品少卿稱一爾布哈番正四品寺丞稱惜
喇脈哈番正五品寺正稱一齊蝦庫正六品寺副稱
愛惜喇庫從六品評事稱額者庫正七品司務添設
滿官稱他庫喇布勒哈番從九品這改定官名通行
傳諭各衙門啟心郎原因諸王貝勒管理部院事務
而設今宗人府啟心郎仍照舊其餘部院啟心郎俱
着裁去太常寺等衙門官名品級非着一併詳議畫一

具奏。十二日張懸錫自縊於聖安寺。鎮守寧古

塔都統沙爾虎達等報擊敗羅刹兵。獲人口甲仗。

革侍郎祁徹白騎都尉併所加之級。降二級。仍留原

任。以其沿途受賄。撫餽遺復苛索。挾逼總督張懸錫

也。八月以逆賊譚詣等犯重慶。

命總督李國英入川撲勦。十一月刑部審實江南鄉試

作弊一案。奉

旨。主考方猶錢開宗即正法。同考官葉楚槐等即處絞。

十二月以都統明安達禮爲安南將軍。同都統俄羅

塞臣賽音達禮護軍統領席伯臣車爾布等統大軍。

赴貴州與經畧洪承疇共議要地駐劄。洪承疇奏
水西宣慰司安坤投誠。

順治十六年正月川東僞侯譚詣殺其兄來降。譚
宏亦遣人納款。大軍克雲南捷聞。給事中楊雍
建言。臣前使粵東。目擊粵民困苦。一濫委之害。一濫
派之害。一里役無定例之害。一用夫無限數之害。一
私埤之害。一私稅之害。一砍柴之害。一採木之害。今
川貴底定。請移一玉鎮撫其地。以救粵疲困。下所司
議。三月立崇禎帝碑。大學士金之俊撰文。閏三
月。左都御史魏裔介陳四事。一國子監宜隆其品秩。

久任以責成功。一直隸順永保河四府。自圈地。圈房。後飢寒爲盜。請勅查明。無碍官地。撥給。至京師內地。給與官地者。即令承業。無復圈爲園圃。一請嚴禁。福建江南江西等處。溺女惡俗。一京師根本重地。必使貴賤有別。刑部尚書圖海。負恩溺職。免死革職。籍其家。授偽新津侯。譚宏爲慕義侯。偽仁壽侯。譚詣爲向化侯。七月。以內大臣達素爲安南將軍。同都統索洪護軍統領賴塔統兵征勦鄭成功。以其竊犯瓜洲江寧等處也。故明廢宗朱義順謀反。並其黨舒英等俱伏誅。八月。江南總督郎廷佐奏。海寇自陷

鎮江於六月二十六日逼犯江寧。幸貴州凱還副都
副將哈馬爾賽等從荊州乘船歸。聞賊疾起。同臣
及駐防都統哈木等兩路出擊。敗之。七月二十日
成功。親登陸。攻犯江寧。會總兵梁化鳳遊擊徐登第
叅將張國俊等各領兵至。二十三日。勦賊擒偽總統
余新。斬偽總兵二次。日五鼓出勦。賊大敗。擒偽提督
甘輝。並偽總兵等官。焚賊船五百餘隻。賊順流遁。官
兵水陸追之。鎮江瓜洲悉復。以都統劉之源爲鎮
海大將軍。領官兵駐鎮江。川撫高氏瞻奏。統兵進
取成都。川西底定。安南國都將太傅宗國武公恣

遣目吏赴信郡王軍前納款。九月江寧巡撫蔣國柱奏鎮江失守時知府戴可進等六員副將高謙等十四員皆從逆。十月洪承疇以目疾乞休允其回京調理。

順治十七年正月禮部議覆給事中姚延啟請照例再行嚴禁大小官員私交私宴及慶賀餽送允之。給事中楊雍建言今之妄立社名糾集盟誓者所在多有而江南之蘇松浙江之杭嘉湖爲尤甚其始由於好名其後因之植黨請飭學臣嚴禁不得妄立社名投刺往來亦不許用社同盟字樣得。

旨嚴行禁止

三月征南將軍卓布泰等班師仍設鳳

陽巡撫駐泰州從漕督蔡士英請也吏部等會議

蘇松巡撫馬騰陟謂滿兵驕悍成習請撤京口駐防
應革職遇赦免議從之

諭兵部以後固山額真漢字稱為都統梅勒章京稱副都

統甲喇章京稱叅領牛錄章京稱佐領昂邦章京稱

總管四月禮部議覆廣西巡撫李秀言粵西鄉試

舊額六十名因地方未闢止中四十名今奉各省中

額減半之

旨但今全省俱復應仍照原額准中三十名從之五月

以亢旱疫癘

詔求直言。安遠靖寇大將軍信郡王多尼班師。六月

御史顧如華言。帝王廟從祀功臣中。宋臣潘美雖有平南漢之功。然斜谷之敗。不能制護軍主仇。檀離陳冢谷口。致楊業父子無援而死。宋之不能復征契丹。實由此敗。張浚三命爲將。一敗於富平。關陝淪亡。再敗於淮西。鄺瓊叛命。三敗於符離。而中原不可復。其勅李端綱殺曲端。與岳飛議不合。奏飛欲弔兵柄。尤爲紕繆。此二臣宜罷從祀。允之。分翰林官爲三班直宿。景運門。掌翰林院學士。折庫納言。封駁之典。

宜行國學訓課之典。宜興二事。部議從之。七月。以都統宗室羅託爲安南將軍。同尚書車克內大臣達素都統索渾等。征海寇鄭成功。內大臣伯索尼請禁滿洲霸佔市井貿易。及滿洲家人強買市物。從之。八月。議政王等議奏。舟山乃本朝棄地。守亦無用。應令明安達禮率滿兵回京。以男品級沈永忠爲挂印將軍。鎮廣東。立功贖罪。以內大臣公愛星阿爲定西將軍。征李定國。九月。以海氛未靖。遷同安之排頭海澄之方田沿海居民八十八堡於海澄內地安撫。從李率泰請也。十一月。移甘州巡撫駐涼

州

順治十八年正月初七日丁巳夜子刻

上崩於養心殿。先五日壬子不豫。丙辰遂大漸。召學士麻

勒吉。主恩。至養心殿定

聖祖仁皇帝御名。立爲皇太子。令草遺詔。命索尼。蘇克薩
哈。遏必隆。鼐拜。輔政。四臣誓告於

天。

大行皇帝神位前。上

大行皇帝尊諡曰體天隆運英睿欽文大德弘功至仁純

孝章皇帝。廟號世祖。二月壬子移

梓宮景山壽皇殿。

康熙元年三月尊
世祖章皇帝陵曰孝陵。